

# O ā mea e mafai na fesoasoani atu ai pisinisi?



## Social Cohesion Guide for Businesses

### Pisisnisi

## Lagona talisapaia i pisinisi

E fesoasoani pisinisi e atiae le social cohesion, e fesoasoani i tagata ia maua le lagona talisapaia, lagona o le faaaofia, talitonuga ia i latou lava ma auai i mea faitele. E atiae e pisinisi faiga e faaaofia ai tagata e auala atu i faiga masani i totonu o galuega. E fai lo latou pitolaau e uunaia tagata e auai i meafai o faia mo tagata ma le atunuu i le totogi o tupe maua o le afaigaluega ma faaititia mea e faaalu ai tupe e auala atu i le "gafatia ona taulimaina." Ua faaalua mai faamaoniga le maua o faamanuiaga tau tamaoaiga mai le eseese o ituaiga tagatanuu ma le faaaofia o tagata e pei o le siitia o faiga fou i totonu o falefaigaluega.

E ui i le eseese o i tatou uma ae tatou te maua le lagona e fia fai mea faatasi, faamanatu le eseese o tatou talaaga ma tupuaga ma tausi le va fealoai ma isi i tulaga e eseese ai manatu. E taua le itu lea auā e le o tagata uma e maua le lagona e saoloto ai le talitonuga ia i latou lava po o le talitonuga o loo amanaia o latou manatu.

Ua faatuputupulaia le eseese o tagatanuu i le atunuu ma le eseese o tagata o faatino i ai le tautua e pisinisi. E moomia lo tatou sailia o auala e faasoa atu ai le tasi i le isi. Matou te folafola atu le fia malamalama i mea tatou te eseese ai ma malosiaga eseese ma faagaioia mea e maua ai le lotogatasi ma faamaopoopo atili ai i tatou.

## Lagona talisapaia

# o foliga o le lagona talisapaia

O se atunuu e maua ai e tagata le fegalegaleai, e masani le tasi i le isi, e faamasani ma tuaoi, e lagona le faaaoafia i galuega o tatou galulue ai, e lagona e tatou fanau le avea o i latou o se vaega o tagata ma afioaga ma e tatou iloa nofoaga tatou te maua ai le fesoasoani pe a moomia. Tatou te lagona e leai se mea e taofia ai le talanoa i tagata e le masani na tatou faasoa i ai, e faasa’o nisi o faia tautalaga faailoga tagata, ma e saoloto le faailoa o tatou tupuaga, talaaga, ma faiga e masani ona tatou faia ai mea. Tatou te le lafoai se isi lava e tasi pe a tupu se faalavelave – e aofia tagata uma.

## Atiae atili le lagona talisapaia

# – o gaioiga e mafai na e faia

O a mea e mafai na tatou faia i galuega faapisinisi e fesoasoani ai i le afaigaluega, tagata o faaogaina auaunaga ma tagata o faatino i ai galuega, talisapaia le eseese o tagatanuu, mafai na auai, faatuatuaina isi, lagona le fesootai ma lagona le va fealoai?

## Talisapaia, faatuatuaina isi

- mafaufau i auala e maua gofie ai galuega e tagata eseese.
  - faasalalau avanoa faigaluega e auala atu i sootaga ma tagata, faalapotopotoga, alaleo leitio, podcasts, auala tau fesootaiga televavave, ma le tele o ituaiga nusipepa eseese ma alaleo televise e patino i nisi o le aumaimoa
- mafaufau i auala ua saunia e maua ai auaunaga ma oloa.
  - Afai e faafoe lau pisinisi i luga o le initaneti, faamata e maua gofie e i latou e faaletonu le vaai? Afai e iai se ofisa faapitoa mo lau pisinisi e mafai ai na faafesagai ma tagata, e maua gofie mo tagata e faaletonu le fealuai?

## Talisapaia tagatanuu eseese, ma le va fealoai

- faataua le eseese o tagata faigaluega ma atiae faiga fou e lagolagoina le eseese o tagata.
  - o amanaia aso faamanatu ma faatasiga e taua i le afaigaluega, ma uunaia le mitamita i lona ituaiga tagata i le galuega, ma saunia avanoa e fai ai so latou sao i le fuaitinoga o auaunaga ma oloa

## lagolagoina tagata faigaluega ia masani le tasi i le isi (whakawhanaungatanga).

- faia se taimi paganoa i le aso po o le vaiaso e faamaopoopo ma faatasitasi ai o se vaega e tasi ma faamasani le tasi i le isi. E pei o se taumafataga i le taeao po o le aoauli, po o le auai i se aso faapitoa e faia ai galuega i se isi nofoaga ese
- faalauiloa faiga sili ona lelei e auala atu i se aso e tufa ai faailoga faapisinisi faaletausaga, e faataua ai le sao o tagata eseese, ma faamanatuina ai galuega o faaaofia ai tagata.

## Lagona le fesootai ma isi

- sailiili ma faalauiloa avanoa e fefaasoai ai ma tagata e ono maua mai ai manatu eseese e faatupu ai le malamalama.
- faaoga nisi o vaega e faataitai ai oloa ma auaunaga fou ma sailiili nisi o vaega mai tagata eseese e taulai i ai faiga nei.

## Auai

- faafaigofie nisi o talatalaga ma sootaga ma sosaiete o lesitala ai tagata faigaluega
- ia faamautinoa o iloa e tagata faigaluega uma a latou aiatatau:
  - Saunia faamatalaga i aiatatau tau galuega i faamaumauga ua saunia faapitoa mo le aufaigaluega fou, o faatalanoaga e patino i le aufaigaluega ma tafailagi e patino i fesootaiga i totonu lava o le faalapotopotoga.
- lagolago tagata faigaluega e auai i faatasiga e patino i tu ma agaifanua, faatasiga faitele, lautele ma faatasiga mo aiga.
  - uunaia pe faamanatu aso faapitoa faaleaganuu, faitele po o faatasiga lautele i le ofisa. E pei o se faatasiga e faia ai se taumafataga i le taeao po o le aoauli.
  - Uunaia le aufaigaluega e ave aso malolo e auai ai i meafai a aiga ma meafai faaleaganuu po o aso faamanatu faitele
- faalauiloa le faafaigaluegaina o tagata fai mai i totonu o pisinisi – fesoasoani e tusi se CV, aoao tomai mo se faatalatalanoaga o se avanoa faigaluega, tomai tau galuega i totonu o Niu Sila ma galuega e aogā e maua ai le fesoasoani mai se faufautua
- faalauiloa le faafaigaluegaina o tupulaga talavou i totonu o pisinisi – fesoasoani e tusi se CV, aoao tomai mo se faatalatalanoaga o se avanoa faigaluega, aoaoga tau tomai talafeagai, avanoa e maua ai se laisene avetaavale ma galuega e aogā e maua ai le fesoasoani mai se faufautua
- faalauiloa le faafaigaluegaina o tagata e iai manaoga faapitoa i totonu o pisinisi – fesoasoani e tusi se CV, aoao tomai mo se faatalatalanoaga o se avanoa faigaluega, ma galuega e aogā, e maua ai le fesoasoani mai se faufautua

- faatino se polokalame e pei o le Chamber Drive – o se polokalame e lagolagoina le 5000 o tagata taitoatasi ia maua le laisene avetaavale. E faafituina avanoa e maua ai e se tasi o umia se laisene avetaavale se avanoa faigaluega
- faatino polokalame lagolagosua faufautua i totonu o pisinisi e lagolagoina le faatuputupulaia o tagata o mananao e tau atiae a latou lava pisinisi.
- saunia faiga e itiiti tupe faaalu pe leai foi ni tupe faaalu e faalauiloa ai ina ia mafai e pule o pisinisi ona faalauiloa avanoa faigaluega ma isi pisinisi ma faasalalau atu ia latou fesootaiga televavave
- ofoina atu faatasiga e auai tino ai, e faia i luga o le initaneti ma e maua gofie ma meafai mo pisinisi e talanoa ma faia ai sootaga ma isi ma tagata.

